

سنه لکی در سعادت ایچون مجیده
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

فکرانک حاکم علییه

آبونه اولق ایستینلر دائره عدلیه ده
اداره مخصوصه سنه مراجعت
ایتملیدر

اعلانانک بهرندن بر مجیده اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تَبْلِیغَات

ایتالیا دولتی تبعه سندن آرماندی رو قورسایه
اطاله لسان ایتدیکی بیان اولنان پولیس احمد نیازی
افدی حقنه کی اوراق تحقیقه برنجی جزا دائره سنه
تودیع قلندی حاله مرقوم آرماندی طرفندن شکلا
یتنامه ویرلماش اولسندن ناشی دوام محاکمه قابل
اوله میه جنی بیانیه اعاده قلندیغندن و مأمورین ضابطه
دن اجرای مأموریت اثناسنده اطاله لسان و حقارت
کبی جرایمه بولنانلر اولدینی تقدیرده شکایت وقوعه
انتظار ایدلمیه رک طوغریدن طوغری به مدعی عمومیلر
جانبندن تعقیبات و آکا بناء سائر معاملات قانونیه نک
اجراسی لازم کلوب کلیه جکی ماده سنک تقدیر و تعیین
لرومی حس ایدلمیکده بولندیغندن بخله اولباده بعض
افاده به دائر در سعادت استیناف محکمه سی مدعی
عمومیلکنندن وقوع بولان اشعار اوزرینه، اصول محاکمات
جزائیه قانونک فصل سادسنک شکایاته متدائر اولان
احکامی ایجابجه اطاله لسان و حقارت متعلق دعاوی نک
محکمه جه رؤیتده مشکی طرفندن استدعا نامه اعطاسی
مشروط اولوب بو کبی جرایمک محاکم جزائیه جه
تدقیق و اجرای محاکمه سی قانوناً استدعای شخصی به
متوقف اوله جغندن ناموس دعوالرنده مظنون علیه
حقنه شکایتنامه ویرلدمکجه تحقیقات اجراسنه محل
ومساع اوله میه جنی انجمن عدلیه دن افاده واولوجهله
مذکور مدعی عمومیلکه جواباً تبلیغ ماده ایدلمشدر .

محاکمات مقررالت

آندونی ضرب ایتسندن طولای مظنون علیه
اولان خرستودن بر مجیده آلتونی جزای نقدینک
تحصیلنه دائر در سعادت بدایت محکمه سی ایکنجی جزا
دائره سندن ویریلان اعلامک تمیزی حقنه مرقوم
آندون طرفندن ویریلان عرفحال ایله اوراق متفرعه
سی لدی التدقیق اعلام مذکورک بدایه اعطا قلوب
قابل استیناف اولدینی حاله استیناف دعوی اید-

لمکسزین تمیزاً تدقیق استدعا ایدلدیکی آکلاشلمش
ومواد جزائیه به دائر لاحق اولان اعلامانک تمیزی
اصول محاکمات جزائیه قانونک اوچیوز یکرمی
ایکنجی ماده سی موجبجه صوک درجه ده ویریلان
حکمی حاوی و قطعی اولمسلیه مشروط بولنش
اولسندن طولای عرفحال مذکورک ردینه محکمه
تمیز استدعا دائره سنجه قرار ویرلشدر .

حق دخوللری اولیان محله کیره رک مضاربه
ایتدکاری ادعاسلیه مظنون اولان مریم نارطوخی
ومانول و افیک و امانوئلک منع محاکمه لرینه و مریم
قادی ضرب ایتسندن طولای مظنون اولان
طودورینک لزوم محاکمه سنه دائر مستنطق طرفندن
ویریلان قرار نامه نک تصدیقی متضمن در سعادت
هیئت اتهامیه سندن ویریلان مضبطه نک تمیزی حقنه
مرقوم طودوری طرفندن ویریلان عرفحال ایله
اوراق متفرعه سی تدقیق اولدقدقه هیئت اتهامیه دن
اعطا قلنان منع محاکمه و لزوم محاکمه قرارلری اصول
محاکمات جزائیه قانونک اوچیوز یکرمی ایکنجی
ماده سنده قابل تمیز اولق اوزره بیان وتعداد اولنان
احکام قطعیه دن بولنامسنه مبنی مذکور قرارلر قابل
تمیز بولنامش اولدیغندن عرفحال مذکورک ردینه
محکمه تمیز استدعا دائره سنجه قرار ویرلشدر .

اصول محاکمات جزائیه قانونک اوچیوز
قرق یدنجی ماده سی حکمنه وعدلیه نظارت
جلیله سندن ویریلان ۱۳۳ نومرولی امر تحریری
قانونی به توفیقاً نقضی حاوی محکمه تمیز جزا
دائره سندن تنظیم واعطا قلنان ۱۳ حیران سنه
۳۱۸ تاریخلی اعلامدر :

باش مدعی عمومیلک مأموریت بهیه سندن مع
اوراق متفرعه محکمه تمیز جزا دائره سنه ارسال
اولنان ۱۲ کانون اول سنه ۳۱۷ تاریخلی ودرتیک

آلتیوز اوتوز یدی نومرولی تبلیغنامه قرائت اولندی .
مذکور تبلیغنامه ده تیره لی عبدالله افندی بی تحقیر
و ضرب ایله تشهیر سلاح ایدلدیکی دعوی اولنان
اسکیشهر قضاسی مقاولات حرر سابق جلال افدینک
تحقیر نقطه سندن محکومیتی حقنه کی حکم ابتدائینک
فسخیه برائتنه دائر کوتاهیه سنجانگی بدایت محکمه
سندن استینافاً ویریلان اعلام بعض اسباب اصولیه
مبنی اعطا قلنان امر تحریری قانونی وجهله محکمه
تمیز جزا دائره سنجه نقض ایدلمسی اوزرینه مومی
الیهک اخیراً اجرا قلنان محاکمه سی نتیجه سنده قانون
جزانک ایکیوز اون دردنجی ماده سنه تطبیقاً یارم لیرا
جزای نقدی اعطاسلیه محکومیتی ناطق مذکور لوا
محکمه سندن ویریلوب خداوندکار ولایتی استیناف
محکمه سی مدعی عمومیلکنک ۶ مارت سنه ۳۱۷
تاریخلی تحریراتیه کوندریلان اعلام ایله اوراق
متفرعه سی مطالعه اولدقدقه بر حکم اعلامنک اصول
محاکمات جزائیه قانونک اوچیوز قرق یدنجی ماده سنه
مستنداً واقع اولان نقضی ناحق بر محکومیتک وجودینه
دلالت ایتدیکی تقدیرده حق اجرادن صرف نظر اید-
لمسی مقتضی ایهده نقض مذکور محکومک بر منوال
مبسوط کرک لهنه و یا خود مسئولیتی و یا تشدید جزاسی
لرومنی تضمن ایلک اعتباریه مظنونک کرک علیه
تعلق ایتسون هیچ بر حاله تشکیل طرفین ایله محاکمه
اجراسنه اساس اوله میه جنی بدیهی ایکن نقض سابق
اوزرینه اجرای محاکمه جهتنک اختیار و محکومیه
اعطای قرار ایدلمسی حقوق جزائیه نک جهت نظریه و عملیه
سنی محل حالاتدن اولدیغندن مذکور ماده قانونیه به وعدلیه
نظارت جلیله سنک ۲۷ تشرین اول سنه ۳۱۷ تاریخلی
ویوز اوتوز اوچ نومرولی امر تحریریه توفیقاً
اشبو اعلام اخیرک دخی نقضی لزومی اخبار اولمشدر .
تدقیقات تمیزیه اجرا اولدقدقه تبلیغنامه ده نظارت
جلیله نک امر تحریریه عطفاً در میان اولنان اعتراضات
وارد و نقض حکمی مستلزم اسباب قانونیه به مستند
بولندیغندن اصول محاکمات جزائیه قانونک اوچیوز
قرق یدنجی ماده سنه توفیقاً اعلام مذکورک دخی

نقضه وایکوز غروش تمیز اعلامی خرجک تحصیله
۱۳ حزران سنه ۳۱۸ تاریخده قرار ویرلدی .

درسعادت استیناف محکمه سی تجارت

قسمندن اعطا قلنان ۱۶ اغستوس سنه ۳۱۷
تاریخی اعلامدر :

نفس اظهده مقیم ایکن وفات ایدن سیمون
اوغلی قوزمه افندی دتمنده اولان مطلوباتک متوفای
مرقومک ترکسنه واضع اید بولنان ورنه سندن
تحصیلی حقده ورنه مرقومه علمنده اقامه ایتدیکی
دعوی اوزرنه حق محاکمه مک موقه سقوطنه دأر
اظنه تجارت محکمه سندن ویریلان قرار علمنده واقع
اولان اعتراض استدعاسنک ردی متضمن بنه محکمه
مزبورده ویریلان ۳ کانون اول سنه ۳۱۶ تاریخ
و فرق ایکی نومرولی اعلام غیابی حکمی تعیین اولنان
یوم محاکمه وکیلک اثبات وجود ایده مامسی معذرت
مشروعیه مستند اولسندن و حکمی تصدیق اولنان
اعلام غیابنک عیناً ویا خلاصه اعلام اخیره درج
اولنامسندن واسباب سارنده ناشی مغایر قانون
اولدیغندن بخله حکم مزبورک استینافاً تدقیقی مستدعی
غلطهده کویریلی خنده اون ایکی نومرولی مغازهده
مقیم تجاردن اطناش تالی اوغلی امضاسیله ویریلان
عرضحال غلطهده اتمعاً داخلیه کرکی باش کابی حسن
بک دعوی استینافیه کفالتی مشعر سند مصدق
واوراق متفرعه سارنه ایه معاً ۲۰ شباط سنه ۳۱۶
تاریخده محکمه استیناف تجارت قسمنه اعطا اولمش
اولغله اصوله توفیقاً ایضا قلنان معامله دعوتیه
اوزرنه مستأنف تالی اوغلی اطناشکی طرفیدن
بالذات حضور محکمه یه کورک دفتر مخصوصده مسجل
اولدینی وجهه حضور هیئته بدایه اعتراضاً استینافاً
اعاده تمیزاً و تصحیحاً محاکمه وخصاصه به وصلاح
وابرایه وتحلیف وتحلفه و اخذ وقبضه وتبلیغ وتبلغه
والحاصل خصوص مذکورک متوقف اولدینی امورک
طیبتی ایضابه مأذون اولمق شرطیه توکیل ایدمش
اولان دعوی وکیللرندن یوردانکی رفائل ومستأنف
علیه ثودوس قوزمه اوغلاری نامیه معنون شرکتک
دیرکتوری بولنان حاجی ثودوس ولدقوزمه جانبندن
دخی اظنه بدایت محکمه سی مقاولات محرککنندن
مصدق برقطه وکالتنامه موجبجه استینافاً محاکمه
وخصاصه به ورد اعضا به وتحلیف وتحلفه وججزه واهل
خبره تعیین وعزلنه واوراق لازمه بی تنظیم وامضایه
وتقدیمه والحاصل دعوانک متفرع اولدینی امورک
کلیسی اجرایه مأذون وکیل تعیین اولنان یاقو
اومادخی افندیلر محکمه یه ورودایدوب انحق مستأنف

علیه وکیل یاقو افندی یالکرتودوس طرفندن ایفای
وکالته مأذون اوله رق وکالتک متوفای مرقومک دیگر
ورنه سنه شامل اولدینی کورلمکه بوجهت لای الاستیضاح
مستأنف وکیل اگرچه موکلی بدایه متوفی قوزمه ورنه سی
علمنده اقامه دعوی ودعوی حاضر استینافیه بی ده ورنه
مرقومه علمنده تسجیل ایتش ایدسه بوکره دعواسی
ورنه دن اولوب قوزمه اوغلاری عنوانی شرکتک
دیرکتوری بولنان ثودوس علیه حصر ایلدیکی
جهته سارورنه مک محکمه ده حضورینه محل اولمادیغنی
افاده ومستأنف علیه وکیل دخی مؤکل علمنده حصر
دعوی وخصوصی قبول ایش اولملریله ذاتاً بخله مک
بیگ التیوز قرق ایکنجه مادمسی حکمنجه متوفانک
له وعلیهده کی دعواده ورنه دن یالکرت برینک خصم
اوله یله چکی درکار ایدوکنسه مبنی اولوجهله روثب
دعوی قرارگیر اوله رق طرفینک اساس دعوی
استینافیه حقنده اجرای محاکمه لریبه ابتداد اولته جفی
صره ده مستأنف علیه وکیل کلامه مساقطه اساس
دعوی استینافیه یه کیرشلمزدن اول محکمه یه اعطا
ایتدیکی استدعا نامه مک مطالعه ستی طلب ایلکله مذکور
استدعا نامه بولدریله رق بالمطالعه ۱۶ اغستوس سنه
۳۱۷ تاریخی یاقو اومادخی امضاسی حاوی اولوب
مفهومی مستأنف سیمون اوغلی قوزمه ورنه سی علیه
اقامه ایلدیکی دعوا دلتولای لاجل الحاکمه وقوعبولان
دعوت رسمیه مومی الیه اصابت ایتدیکی جهته حق
محاکمه مک موقه سقوطنه قرار ویرلش واشبورقادی
متضمن اولان اعلام غیابی حکمی علیهده اعتراض
صورتیه مستأنف طرفندن تجدید دعوی ایلدیکی
حالده بنه دعوتیه اجابت ایتامسندن ناشی قرار غیابی
مذکور تأیید ایدمش اولدیغندن شوخاله کوره اعلام
مستأنف به نه الزام نده منع معارضیه دأر برحکمی
ناطق اولماسیله اعلام مذکور قابل استیذان اولدیغنی
بالیبان استیناف استدعاسنک ردی طابنی متضمن
اولدینی کورلمسی وکفیل مومی الیه دخی استدعا نامه
مذکور مندرجاتی تکرار ایلدی اوزرنه مستأنف
وکیل جوابنده حق محاکمه مک سقوطنه دأر ویریلان
مذکور قرار برحکم قطعی بی متضمن اولدینی جهته
اشبورقار استینافاً فسح ایلدنکجه دعوی واقعه سندن
طولای درجه اولی محکمه سنه مراجعت موکلی ایچون
قابل اوله میه جغندن و میدانده بولنان اعلام حکمنک
قطعیته نظر قانوناً قابل استیناف اولدینی بدیسی
بولدیغندن مستأنف علیهده اعتراضاتک غیر وارد
اولمسی حسیله لزوم ردی انباش و بالسؤال بوقطه
حقنده طرفینک بشقه دیه جکاری اولمادیکی اکلالمش
اولغله ختام محاکمه اهفام اولمشدر .

ایجابی لدی المذاکره تفصیلات بسبوطه دن

مستان اولدینی اوزره اعلام مستأنف به مستأنفک
سیمون اوغلی قوزمه ورنه سی علیهده اقامه ایتدیکی دعوان
طولای لاجل الحاکمه وقوعبولان دعوت رسمیه
عدم اجابتی حسیله حق محاکمه مک موقه سقوطنه
دأر لاحق اولان حکم غیابی علیهده مستأنف مومی الیه
جانبندن اعتراض اولدینی حالده اعتراضاً جریان
ایده جک محاکمه ایچون وقوعبولان دعوتیه عدم اجابتیه
بنه محکمه یه گامسندن طولای اعتراض استدعاسنک
ردینه قرار ویرلکندن عبارت اولوب یوقسه ذات
دعوی حقنده الزامی ویا معارضه دن منعی متضمن
اولماسنه و اصول محاکمه حقوقیه قانوننک یوز قرق
اوچنجی مادمسی موجبجه حق محاکمه مک موقه
سقوطی مدعی طرفندن ویریلان استدعانک ابطالیه
برابر وقوع بولان کافه مصارفک ومدعی جانبندن
بو یوزدن وقعی اثبات اولنه جق ضرر وزیانک
تضمینندن عبارت اوله رق یوقسه حق دعوی و محاکمه یی
اسقاط ایده میه جکندن ماده قانونیه مذکورده حکمنه
توفیقاً مستأنف درجه اولی محکمه سنه مراجعتیه
تجدید وتکرر دعوییه صلاحیتی درکار بولنسنه بناء
مستأنف مومی الیه طرفندن ذات دعوی حقنده درجه
اولی محکمه سنه مراجعت ایدیه یلمک اوزره ویریلان
استدعاسنک ردینه و یوزلش غروش مصارف محاکمه مک
مستأنف عاندیتیه ۱۵ جمادی الاولی سنه ۳۱۹
و ۱۶ اغستوس سنه ۳۱۷ تاریخده متفقاً قرار ویرلرک
تفهیم قلندی .

کلیس قضاسنه تابع تشعیر قریه سندن عیش زاده
حاجی امین افندیکن حیوانانک اخذ وغصبسندن
دولای جنایتله اتهام اولنان حقیقی قریلی سعید بکک
درد سنه مدته کورک قولنسنه دأر حلب ولایتی
استیناف محکمه سی جزا دأر سندن ویریلان ۴۲۵
نومرولی اعلام محکمه تمیز جزا دأر سنجه تصدیق
اولمشدر .

بیات عیشرتک حاجی محمد بک قریه سی ساکنلرندن
محمود عثمان وحشیره لری زمونک قاتلرینه معاونت
ایلدیکی ادعا اولنسنندن دولای جنایتله متهم بولنان
مولان بک قریلی حمیل اوغلی عثمانک یدی سنه مدته
کورک قولنسنه دأر کرکوک سنجانجی بدایت محکمه سی
جزا دأر سندن ویریلان ۹۷ نومرولی اعلام محکمه
تمیز جزا دأر سنجه تصدیق اولمشدر .

درونده کی اموالی دکرندن بر قاج قات فضله
آچی مقابلنده سیغورطه ایتدیردکن صکره سیغورطه

بدلندن استفاده مقصدیه بک اوغلنده قالیونجی قوللغنده
قره قولخانه قارشوسنده کائن ۷۱ نومرولی بقال دکاتی
احراقه تصدی ایلدیکری ادعا اولنسنندن دولای
جنایتله اتهام اولنان مدانیله بقال مینوندا ولد
انسطاشک درد و چراغی بنا یوط ولد وانکلک اوچ
سنه مدتلرله کورک قوللرینه وصغر سنی حسیله
دیگر بنا یوط ولد قسطنطینک دخی ولیسنه تسلیمنه
دأر درسعادت جنایت محکمه سندن ویریلان ۵۳
نومرولی اعلام محکمه تمیز جزا دأر سنجه تصدیق
اولمشدر .

غلطهده بکزاده زقاغنده معونه جی محمدی قتل
قصدیه ایکی محلندن جرح ایلدیکی حالده اسباب مانعه
حیولتیه ماده قتل فعله کتوره مدیکی ادعاسیله جنایتله
اتهام اولنان طولخانه طلوبه جیلرندن قوچوولد بورنیک
یش سنه مدته کورک قولنسنه دأر درسعادت جنایت
محکمه سندن اعطا قلنان ۲۲۵ نومرولی اعلام محکمه
تمیز جزا دأر سنجه تصدیق اولمشدر .

حسین بک قتل ایلدیکی ادعا قلنسنندن دولای جنایتله
اتهام اولنان ماطلی سلیمان بن مصطفانک اون یش سنه
مدته کورک قولنسنه دأر درسعادت جنایت محکمه سندن
ایکنجی دفعه اوله رق اعطا قلنان ۲۳۹ نومرولی اعلام
محکمه تمیز جزا دأر سنجه تصدیق اولمشدر .

جمعه قضاسنه تابع حسن اوبه قریه سندن عمر بن
خلیلی قتل ایلدیکی ادعا اولنسنندن دولای جنایتله
اتهام اولنان قریه مذکورلی شا کر بن عاینک اون
یش سنه مدته کورک قولنسنه دأر سرفیجه سنجانجی
بدایت محکمه سی جزا دأر سندن ویریلان ۱۵۷
نومرولی اعلام محکمه تمیز جزا دأر سنجه تصدیق
اولمشدر .

ذبله قضاسنک سراج قریه سندن کرد اوغلی حاجی
ابراهیمی قتل ایلدیکی ادعا اولنسنندن دولای جنایتله
اتهام اولنان قریه مرقوملی عباس بن رجیک اون
یش سنه مدته کورک قولنسنه دأر توقاد سنجانجی
بدایت محکمه سی جزا دأر سندن اعطا قلنان ۱۷۵
نومرولی اعلام محکمه تمیز جزا دأر سنجه تصدیق
اولمشدر .

صاری شعبان قضاسنک قواجق قریه سندن منلا
مصطفی بن علی بی جرح ایه تعطیل عضوینه سببیت
ویردیکی ادعا اولنسنندن دولای جنایتله اتهام اولنان
قریه مذکورلی بیرام نام دیگر احمد اوغلی حسنک

اوچ سنه مدته کورک قولنسنه دأر درامه سنجانجی
بدایت محکمه سی جزا دأر سندن اعطا قلنان ۲ نومرولی
اعلام محکمه تمیز جزا دأر سنجه تصدیق اولمشدر .

روسیه دولتی تبعه سندن سیمون سیمونوفک
غلطهده کی مغازه سی دیوارخی درکله اچیه واشیا سرق
ایتدیکی ادعاسیله متهم بولنان تبعه دولت علیه دن
ایکنجی قسطنطینی وانکاتره دولتی تبعه سندن فرادی
قارلو حقنرنده اجرا قلنان محاکمه نتیجه سنده مرقومانک
مشترکاً فعل سرقه جرأتلری شاهدلرک شهادتندن
متحصل دلائل وامارات وکشف راپوری مندرجاتیه
ثابت اولدیغندن اولوجهله مجرمیتلریه وقانون جزانک
ایکیوز بکرمجی مادمسنه توفیقاً اوچر سنه مدته
کورک قوللریله وقارلونک حقوق مدنیهن اسقاطیه
اموالنک جزا اوله رق اصولی وجهله اداره ایتدیرلسنه
۶ کانون اول سنه ۳۱۸ تاریخده محکمه جنایتیه قرار
ویرلشدر .

خیره خاتمک خانه سی طاشلادینی تحقّق ایدن
واسیلک یکریمی درد ساعت حبسیله کندیسندن الی
بشک جزای نقدی آلمسنه
آراهه جی صالحک زنجی اسماعیلی ضرب ایلدیکی
اصولاً ثابت اولدیغندن بر هفته حبسنه

قهوه جی محمد چاوشی ضرب ایدن کاظم بکک
یکرمی کون حبسنه
قره طاعلی صاوه مک محله ارهنده سلاح انداخت
ایلدیکی ثابت اولدیغندن اوچ کون حبسنه ویش
بشک ده جزای نقدی آلمسنه
مر شده خانجی ضرب ایدن بدریه خاتمک بر هفته
حبسنه

طاتیوسک غوریلی واونیکک دخی طاتیوسی
ضرب ایلدکاری ثابت اولدیغندن اونیکک بر هفته
حبسنه و طاتیوسدن برالتون آلتوب غوریله اعطاسنه
چالغیجی جالک میکی جرح ایلدیکی اکلالمدیغندن
اون کون حبسنه

مضاربه ایدن مصطفانک بر هفته واسماعیلک اون
کون مدتلرله حبسلرینه
قومقو مرکزنده مستخدم قومیسر ثالث راسم
افندیکن لوقطه جی آرشاقی اجرای مأموریت حالنده
ضرب ایلدیکی ثابت اولدیغندن بر هفته حبسنه
فالتجه دوه خائنده ساکن حاجی محمدی جرح
ایدن نقاش قیصریه لی خلیل بن عثمانک الی آی حبسنه
مضاربه ایلدیکری ثابت اولان داود باشلی محی
الدین افندی ایه زوجیه سی فاطمه نک بر هفته
حبسلرینه
بلاط قهوه جیلرندن استاوری بی اجرای مأموریت
حالنده ضرب ایلدیکی اکلالمیلان قومیسر محرم
افندیکن ایکی آی حبسنه

قومقوولی ثودوسیا قادی ضرب ایدن لیونیا
قادیندن برالتون آله رق مضروبیه اعطاسنه
ملاعشقی محله سنده ساکن کچی ابراهیم برهانک
لوتجه قره قولخانه سنده مستخدم پولیس حلیم افندی یه
اطاله لسان ایلدیکی ثابت اولدیغندن بر آلتون جزای
نقدی آلمسنه

قومقوولی آغاوغلی بی ضرب ایدن سومیلادن
بر آلتون آلتوب مضروبیه اعطاسنه
صالحی ضرب ایلدیکری اکلالمیلان زندان
قیوسنده بارکیرجی ابراهیمک اون کون حبسنه
وزوجه سی نادردهن بریحی لیرا اله رق مضروبیه اعطاسنه
خدمتمنده بولندیق اربود قریه سنده ساکنه مادام
آناغومسک خانه سندن اشیا سرق ایدن براشکوه
ولد لامبونک آلی آی حبسنه واشیای موجوده نک
مزبوریه اعطاسنه

خلاف تنبیه یانغو کشاد ایتدیکی تحقّق ایدن
ترلا باشنده کرچخانه زقاغنده ساکن آلدوندن یش
بشک جزای نقدی آلمسنه

اجرای مأموریت حالنده پولیس مفتی ادوار
لوفولون افندی بی ضرب وتحقیق و مأمورین سارنه ده دخی
حقارت ایتدیکی وخلاف تنبیه اوزرنده سلاح طاشیدی
کی تپه باشی قره قولخانه سنک جاملرخی ده شکسته جرأت
ایلدیکی ثابت اولان ایتالیا دولتی تبعه سندن قارلونک الی
آی مدته حبسنه

قانتیه بی ضرب وجرح ایدن مجازده میخانه جی
بورکنک اوشانجی استفودن بریحی لیرا آله رق
مزبوریه اعطاسنه

قومیسر ثالث قعی افندیکن اجرای مأموریت
حالنده فخری افندی بی ضرب ایلدیکی ثابت اولدیغندن
بر هفته حبسنه

خلاف تنبیه اوزرنده سلاح طاشیدی اکلالمیلان
سامی افندیکن یش بشک جزای نقدی آلمسنه

مناسرتلی شریجی حسن بن ذکرانک یاغ قپانی اسکله سنده قایقچیلای ایدن ریزه لی علییه تشهیر سلاح ایلدیکی ثابت اولدیغندن برهفته حبسنه قومقپوده حصار دینده ساکن دولکر دیرطاتی ضرب ایدن بلدییه مفتشی بهری بکدن بریجی آلتون آلهرق مضروبه ویرلمسینه

رژی اداره سنده مستخدم پوچچی به محل ناموس سوز سوبلدیکی اکلاشیلان شمندوفر فابریقه سنده مستخدم عمله دن بغوص ولد آغوبک برهفته حبسنه بقال طودوری به تشهیر سلاح ایدن قپو اغاسی محله سنده ساکن رفیق بن سلیمانک اون کون حبسنه قیومچی آرتینک طوقپوده میخانه جیلک ایدن طومیکی جرح ایلدیکی ثابت اولدیغندن بر آلتون آلهرق طومیکه اعطاسنه

انور بن اسماعیلک صالمه طمرق موقعنده پولیس مأموری امین افندی به اجرای وظیفه حالنده حقارت ایلدیکی تحققتدیکندن بر آلتون جزای نقدی آلمسینه عدلیه نظارت جلیله سی اوراق قلمی کتبه سندن نائل افدینک اشیا سی سرقت ایدن سیار قصاب اکیل ادهم بن فیض اللهک درت آی حبسنه ومسروق اشیا ناک مومی الیه نائل افندی به اعاده وتسلیمنه سراج طوغان محله سنده ساکنه حفیظه خانمک دولکر عثمانی ضرب ایلدیکی ثابت اولدیغندن مزبورده دن بر آلتون آلهرق مضروبه اعطاسنه

چهارشنبه لی صادق اغانی ضرب ایدن حسن اغادن بر آلتون آلهرق مضروبه اعطاسنه مضاربیه ایلدیگری اصولاً ثابت اولان یکی قپوده ساکن خیره بتک برهفته و آقسرایده جلاد جسمه سنده مقیم قوچونک دخی اونیش کون مدتله حبسلرینه قبا صقالده تربه زقاغنده ساکن ضیا افندی به اطاله لسان ایدن احمد خلوصی افدینک برهفته حبسنه درساعات وبک اوغلی بدایت محاکمی جزا دانه لر نیجه قرار ویرلمشدر.

اعلانات

تجارت بحریه محکمه سنده :

بک اوغلنده اغا حامی جاده سنده ۲۰ نومرولی خانه ده ساکن مفلس لودویک فروند ذمتنده آلاچغی اثبات ویا موقتاً قبول وقیدایتدیرمش اولان آلاچقیلرک قانوننامه تجارتک اکیوز اون برنجی و آتی ولی ایدن ماده سی موجبجه مفلس مرقوم طرفندن تکلیف اولنه جق قوقورداتونک مذاکره سیچون اشبو ۳۱۸ سنه سی کانون اولک اونبرنجی چهارشنبه کونی ساعت

سکز راده لرنده محکمه تجارت بحریه نک افلاس اوپه سنه کلری اعلان اولنور .

غلطه ده محمودیه جاده سنده ساکن ایکن تجارت بحریه محکمه سندن افلاسنه حکم اولنش اولان م . اسکیشهرلیان وخرستولاغوبلوس شرکتک خصوصات افلاسیه سنک رؤیت وتسویه سی ضمتنده اونیک اقیان و آورام نغوم افدیله اصالة سنديک تعین قلنمش اولدقلرندن مفلس مرقوم ذمتنده آلاچغی اولنلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکرمی بر کون ظرفنده سنداتی محکمه کاتبه تسلیم ایللری ومدت مذکوره ختامندن صکره اوچ کونده یعنی کانون اولک یکرمی بشنجی چهارشنبه ویکرمی التنجی پنجشنبه ویکرمی سکزنجی جمعه ایرتسی کونلرنده تجارت بحریه محکمه سنک افلاس اوپه سنه کلرک سنديک افدیله مواجهه سنده اله جققرینی اثبات وقید وتصدیق ایتدیرملری ومدت مذکوره ده اثبات وجود ایده میان اله جققلورلر حقنده قانون مذکورک ۲۱۰ نجی ماده سنه توفیقاً معامله اولنه جغی اعلان اولنور .

بوغاز ایچنده صاری یارده یکی محله ده ساکن مفلس آترائیک بویاجیان ذمتنده آلاچغی اثبات ویا موقتاً قبول وقیدایتدیرمش اولان آلاچقیلرک قانوننامه تجارتک اکیوز اون برنجی و آتی ولی ایدن ماده سی موجبجه مفلس مرقوم طرفندن تکلیف اولنه جق قوقورداتونک مذاکره سیچون اشبو ۳۱۸ سنه سی کانون اولنک اون ایلکنجی پنجشنبه کونی ساعت سکز راده لرنده محکمه تجارت بحریه نک افلاس اوپه سنه کلری اعلان اولنور .

ایکنجی تجارت محکمه سنده :

درساعاتده سرکه جی جوارنده استاسیون قارشوسنده کی غازیونده ساکن ایکن ایکنجی محکمه تجارتدن افلاسنه حکم اولنش اولان حرملبو قومینو وشرکاسی مانول واریستوره لی قومینو ذمتنده اله جغی اثبات ویا موقتاً قبول وقیدایتدیرمش اولان آلاچقیلرک قانوننامه تجارتک ۲۱۱ نجی و آتی ولی ایدن ماده سی موجبجه مفلس طرفندن تکلیف اولنه جق قوقورداتونک مذاکره سی ایچون اشبو بیک اوچپوز اون سکز سنه سی کانون اولنک اون ایلکنجی پنجشنبه کونده محکمه مذکوره نک افلاس اوپه سنه کلری اعلان اولنور .

بک اوغلی بدایت محکمه سی اجرا دانه سنده : متوفی دیقران قره کوزیان افندی ورته سنک یونان دولتی تبعه سندن ژان پسالتی ذمتنده بااعلام محکوم به آلاچغی اولان معلوم المقدار مبالغک تسویه سی ضمتنده مادیون مومی الهیک تحت تصرفنده اولوب دائن متوفی عهده سنده مرهون وفروختی حکما مقرر بولنان بک اوغلنده التنجی دائرة بلدییه قارشو سنده قبرستان زقاغنده کائن بر طرفی ترسیان خانی ودیکر طرفی انکلتزه دولتی تبعه سندن دعوی وکیل موسیو پیرسک خانه سی و آرقه جیتی قبرستان واولک طرفی دخی مذکور قبرستان زقاغله محدود وطولاً یکرمی بش وعرضاً یکرمی ذراع معماری اوزرینه مبنی آلت قاتده آرقه جهتنده ایکی آیدینلق محلی و برصغیر یازیخانه اوپه سنی و بر آبدستخانه و تحت قاپلامه لی بر باب صغیر اوپه لی وفوقانی درت قاتی مشتمل اولوب برنجی ، ایکنجی و اوچنجی قاتلر ایکشر عدد صغیر اوپه ایله برر بیوک صفه لی و دردنچی یعنی آلتنده کی مغازه داخل اولدینی حالده بشنجی قات صغیر وکیلر آلتی اوپه ، برصالون ، برکیلار ، برمطبخ ، بریمک اوپه سنی ، بر آبدستخانه و بنانک فوقنده بر خدمتکار اوپه سی ایله بر چاشورلق محلی ، طولاً یکرمی بش وعرضاً یکرمی ذراع معماری اوزرینه قمرنی طو غله دوشمه لی تراچه لی و تحت الارض تخمیناً یوز یکرمی آرشون مکعبنده یالیش صهرنج و کمورک محلی مشتمل وقف اولوب توسیع انتقالی اجرا ایدلش بولنان اون درت ویکرمی آلتی نومرولرله مرقم و «موبیله جی پسالتی» مغازه سی دینمکه معروف کارگیر بر باب خانه و تحتنده کی مغازه اوچپوز یکرمی بیک غروش آلتون اچقه بدل ایله طالبی عهده سنده قلنش و تاریخ اعلاندن اعتباراً اوتوز برکونه یعنی کلرک کانون ثانی رومینک اون دردنچی صالی کونی ساعت اونده قدر یوزده بش ضم قبول اولمنی ذکر اولنان یوم وساعتده صوک مزایدسی بالاجرا قرار قطعیه سی ویریلرک طالبی عهده سنه کچورلمسی مقرر بولنش اولدیغندن و آندن صکره هر نه ضم وقوعبولور ایسه قبول اولمنیه جغندن مغازه لی مشتمل مذکور خانه یه یوزده بش ضمیمه طالب اولانلرک ودها زیاده معلومات آلق ایستیانلرک مدت مذکوره ظرفنده یوزده اون نسبتنده دیو-زیتواچقه لرینی برلکده آلهرق بک اوغلی بدایت محکمه سی اجرا دانه سنه مراجعت ایللری ویوم ووقت مزبورده مذکور خانه پیشکاهنده مأموری مواجهه سنده حاضر بولملری اعلان اولنور .